

德清縣志卷三

建置志

侯志名宮室考周志改為建置今仍之

德清縣名

見卷一輿地志沿革應與參看

夙稱繁疲難歷代為上縣或為中縣入民國元年以戶口錢糧計定德清為一等縣惟以民刑訴訟甚簡故司法列入丙等舊屬湖州府同年廢府直隸浙江省三年隸錢塘道似昔嘉湖道道制廢仍隸於省

縣廨

查侯志凡縣屬各廨列縣治而附以廨舍今併稱縣廨而以屬署麗焉

清咸豐庚申年燬於太平軍同治三年軍退知縣陳邦傑租賃民房為行政所光緒元年乙亥知縣支恆椿詳請省欸一萬二千元與典史廨同時興建較舊時微有不同邑紳蔡兆驥董其事三年丁丑落成

治廳三間

即大堂中有暖閣設公座印箱以符體制新知縣到任接印點卯或決犯或驗屍同署壯皂役循列排衙偶一坐之有額曰莊敬知縣支恆椿題又額清慎勤知縣

德清縣新志

卷三 建置

一

周祖升題民國成立均廢棄改設地丁與抵補金徵收櫃

中堂三間

即二堂本名梅花堂知縣侯元棐改（見侯志）向為知縣審事處民國改縣署法庭二年審檢所成立改為檢察預審庭自審檢所撤消後知事兼理民刑訴訟即為民刑庭東耳房為收發處西耳房為號房堂有額曰博愛知縣支恆椿題今廢

後堂樓屋五間

侯志名正署宮室考名知縣廨向惟三間後改五間為縣官辦公室東西廊房各兩間

幕廳三間

在中堂西前名花廳有澄懷草廬額知縣吳念椿題更有聯曰潑墨裁雲案無積牘種梅鋤月政有餘閑知縣程贊清題均存疏影額今廢紅綠梅已更種東一間為縣官會客室西三間為行政科廳前平披三間為書繕處

書房

在後堂之東南平屋各三間

司法官室

三間在中堂之東

司法吏室

四間在司法官室之前

廚房六間

在書房之東

東耳庫房

一間在治廳之左

西耳庫房

三間在治廳之右曾為驗契稅契室後又一間西又三間

玄壇廳 三間在幕廳西即前圖架閣庫址廳西廊屋兩間廳前平屋三間為財政科辦公處向供玄壇像故名

刑幕室 五間向住刑名幕友今圮

錢幕室 五間向住錢穀幕友今圮此二處即前圖俸給庫址民國四年知事吳鬻皋改築小園計平屋一亭一土山一

六房 東八間西七間今駐警察

內井 在治廳右

戒石亭 今廢址存

儀仗庫 今廢址存

儀門 平屋五間

監所 在儀門西平廳三間為監獄員辦公處廳前朝東平屋四間朝西平披三間廳西又有南北平屋各四間東西平屋各一間除禁重犯外餘為罪犯習藝所

版榜廊 今廢址存

看守所 在儀門東前平廳三間後平屋三間廳東又有南北平屋各二間此乃民事或刑事未決犯之拘留處

女看守所 三間在監獄舍後即前義役倉址

德清縣新志

卷三 建置

二

土神祠 三間供漢丞相蕭何像俗以何為獄神也

譙樓五間 向駐臨時警察

申明亭 今圮

旌善亭 今圮

外井 在申明亭前今塞

石碑亭 向在譙樓外左右今圮

香亭舖 向駐陰陽學久廢

藥局 久廢

照牆 照舊址加東西轅門直下有官河埠二曲尺形東首被佔不通

石牌亭 在照牆外今遷 基地 見侯志 按舊圖照牆東舖房吏舍今為民居何時承佃失考

屬署

舊稅課局 在務前街基募承佃已載前志今僅存石牌坊

舊河泊所

在新市鎮順濟橋西南久廢地存

主簿廨

即河廳向在大南門外山川壇左兵燹毀（另建見下）

警察廨

在清河坊餘不銜之右面街東向下至河岸即預備倉址光緒二十六年邑紳施涵等具稟潘令即於其址建造河廳請移邑廟歲修所提錢糧釐耗項下每兩制錢三文漕餘項下每石五文至光緒三十三年止撥洋一千三百元又以經費不敷稟請王令續撥洋八百元共二千一百元 治廳三間左又一間二廳三間後廳三間花廳三間頭門三間廳左又一間民國元年廢主簿改為警察行政署 基地見侯志左首有財神堂亦為公產今圈入焉

典史廨

見侯志民國元年典史奉裁其廨以原係公產撥歸地方作公共機關之用（參看自治公所）

下塘巡檢司

本在五林港明洪武中置隆慶三年以下塘衝要鹽盜出沒因徙於此乾隆中裁缺（府志）地存

新市巡檢司

現改新市警察分廨其詳見下

新市警察分廨

在新市積善橋西即巡檢司署同治初燬光緒十三年巡檢周澧就地籌款建復二十八年巡檢汪承謙預借役食銀重修 治廳三間左書識房一間 右班房一間中花廳三間左右廊房各一間後樓三間左右廂披各一頭門一左右門房各一隔街照牆一堵基地見侯志民國元年廢巡檢改為警察分所

公署

仍侯志以不屬於縣治之署廨入之

察院行臺

見侯志後改為太平倉兵燹屋燬基地分撥忠義孝弟貞節祠及官立德清高等小學堂建舍

德清縣新志

卷三 建置

三

駐防廨

即侯志布政分司原址屋毀於太平軍基地內一畝四分餘民國十一年由浙江官產處標售歸民間承購

水利通判署

在唐樓水北西屬德清計地二畝一分東屬杭縣明嘉靖三十五年巡撫胡宗憲巡按御史周斯盛奏請添設實主捕盜清初裁廢民國四年經浙江官產處標賣歸民間承購現存乾隆二次南巡赦免江浙錢糧石碑一塊為杭德界石

統捐局

總局租賃新市民房五柵分局租民房五處德清分局租馬頭上縣河口民房雷甸分局租碼頭橋民房又橫塘港常駐巡船一艘

郵政局

光緒二十六年新市設二等局於大街城內設分局民國四年同升為二等局租民房可通匯兌

電報局

民國三年由杭縣唐樓移設治城租賃民房電話局附

鹽公堂

向在德清市亭山倪宅稱鹽公堂同治三年匪患肅清後設鹽棧於新市西柵外官督商辦房屋租賃

菸葉捐分局

在雷甸市民國三年由新市統捐局接辦六年七月設專局於硤石鎮始與統捐分離

學校

學校考

夏曰校殷曰序周曰庠三代建學之名也秦始皇燔書坑儒偶語詩書者棄市愚弄黔首僅二世而亡自漢武帝建元元年罷黜百家孔學始著光武己酉初

起太學修明禮樂文物煥然及梁武帝天監四年始立州郡學唐高祖武德七年詔州縣鄉皆置學玄宗戊寅令天下州縣里皆置學明太祖洪武二年詔天下郡縣皆立學府設教授州設學正縣設教諭以禮樂射藝書數設科分教生員各有定制清因之於生員外復有廩膳生視邑之大小而定多寡迨光緒間廢八股停科舉延至宣統盡撤盡學官廣設學堂學校之風氣乃變於是人才不專以舊學爲尙矣夫以新學而存國粹乃立國之命脈文化因發達而文明學部後改教視興學爲要政故設各種學堂以育人才意至遠也按學校昔爲儒學總稱

舊在縣治西南隅

即大南門宮牆內射圃前現爲丁姓宅基

宋大中祥符庚戌縣令劉洞創建明道中

縣令竇充徙建阜安橋北紹興中縣令楊鏞重修

宋沈與求重修德清孔子廟碑

嘉定丙子知

縣黃耕增靈星淳熙三年縣令趙汝歸大加修繕縣令沈杞復加葺治元至正

中攝縣尹事朱康復大修建

元董在德清重建廟學記

至正後燬於兵明正統六年知縣王

敬徙於今所

侯志

景泰五年知縣王瓘鑿池建石橋於上

王志參談

嗣後歷有修葺

德清縣新志

卷三
建置

四

清道光二十四年知縣盛隆復修蔡賡颺撰記咸豐十一年辛酉洪楊餘軍據城被燬同治四年知縣劉蘭敏詳請省款二千緡重建邑紳蔡兆騏丁毓琨胡汝聯馮壽鏡丁覺源沈駿飛監其工

孔子廟

謹按孔子具德配天地之量期世界於大同誠千古之聖人即萬世之師表也自漢武帝罷黜百家而孔道始尊故特詳其生卒與廟之原始暨先賢先儒之姓名而於法制

祀孔典禮亦羅列靡遺蓋欲使覽者由尊敬而至於教化普徧焉爾

史記孔子生魯昌平鄉陬邑其先宋人也父叔梁紇娶顏氏名徵在禱於

尼丘魯襄公二十二年生

公羊傳襄公二十一年十一月庚子孔子生今以爲二十二年蓋周正十一月屬明年故歧

生而岸

頂故名曰丘字仲尼魯哀公十六年四月己丑卒年七十三哀公誅曰尼

父按綱鑑孔子生於周靈王庚戌二十有一年冬十一月卒於周敬王壬

戌四十有一年夏四月夏正建寅故爲七十三歲

嘗考自魯哀公十七年立孔子廟於故宅魏文帝黃初二年令魯郡修舊

廟置百戶吏卒守衛之

孔廟有官之始

南北朝宋文帝元嘉十九年冬十二月修

孔子廟時尚在闕里也京師之有孔子廟始於北魏太和十三年閱十七年為梁武帝天監四年初立孔子廟時淮南皆為魏境孔廟隔絕梁主始創立之及唐高祖武德

二年始詔國子學立周公孔子廟貞觀四年詔州縣皆作孔子廟唐書卷十五

宋理宗壬戌三年蒙古修孔子廟此外或曰仲尼廟史記孔子世家孔廟北魏書高祖紀

太和十三年宣尼廟宋書禮志孔父廟孔顏廟隋書禮志孔聖廟唐皮日休請韓文公配饗太學書文宣

王廟冊府元龜唐大歷十三年宣聖廟闕里志宋淳化四年夫子廟宋歐陽修襄州穀城縣夫子廟記先聖廟闕里志元大德

初先師廟明史太祖紀洪武三十年文廟明會典永樂八年要以稱孔子廟為最古且最普徧文

廟為最後文廟蓋從文宣王諡而來孔子之道生民未有非一言行之美可以節惠定諡者比明儒邱濬論之詳矣今文宣之諡既早罷廢則文廟之稱似亦不必沿明之舊又元大德十一年始加封孔子大成至聖文宣王而宋崇寧三年已詔文宣王殿以大成為名是大成殿不因封號而名者也明嘉靖九年定孔子諡號曰至聖先師孔子因改大成殿為先師

廟大成門為廟門不知殿因封號而名當改也不因封號而名則不必改今擬仍以大成為殿名說文堂殿也御覽引說文殿堂之高大者也廣雅釋宮堂堉墜也初學記引倉頡篇殿大堂也商周以前其名不載秦始皇始作前殿玉海又謂秦孝公強盛時大築冀闕由是夫子殿初見明孝公以前堂殿本通呼漢魏以來始為王居所專然以漢書黃霸傳之上殿依顏師古注即丞相所坐屋也古者屋高嚴通呼為殿不必宮中證之漢時丞相所坐屋尚得稱殿故今可仍之

大成殿

宋高宗甲子十四年國學大成殿成帝謁孔子廟崇寧初詔辟雍文宣王殿以大成為名宋史百五卷禮志一

至聖先師孔子神位

唐以前孔廟以周公南面而夫子坐西墉貞觀二年房延齡等建言周公

尼父俱聖人然釋奠於學以夫子也乃罷周公升孔子為先聖時雖廢周公祭而夫子位未改貞觀十一年尊孔子為宣父開元二十七年詔夫子既稱先聖可諡曰文宣王

夏主仁孝立學校於國中尊孔子為文宣帝

被王者服釋奠用宮懸至

是二京國子監暨州縣夫子始皆南向以顏子配

唐書卷十 五禮樂志

宋真宗大中

祥符五年改諡孔子為至聖

初諡 元武宗大德十一年加孔子號曰大成

至聖文宣王明世宗嘉靖九年改號孔子為先師不稱王易像為主配位止稱先賢先儒不稱公侯伯祀宇宜稱廟不稱殿孔子神位題至聖先師

泮池

濬如舊

神廚

今廢

下馬碑

二塊今嵌南向牆內書奉旨文武官員軍民人等至此下馬清康熙二十九年上諭也

照墻

在隔河姚宅後清同治四年重修有宮墻萬仞四字遵清乾隆十三年詣闕里時御題例

崇聖祠

前志稱啓聖祠清道光二十四年知縣盛隆修同治四年知縣劉蘭敏於請款項下不敷外勸捐重建

德清縣新志

卷三 建置

六

始封啓聖王

元至順元年始封孔子父叔梁紇為啓聖王母顏氏啓聖王夫人顏子克國復聖公曾子邾國宗聖公子思子沂國述聖公孟子鄒國亞聖公程顥豫國公程頤洛國公

始立啓聖祠

明嘉靖九年大學士張璁言先師祀典有當更正者叔梁紇乃孔子之父顏路曾皙孔鯉乃顏淵曾參子思伋之父三子配享廟庭紇及諸父從祀兩廡原聖賢之心豈安請於大成殿後別立室祀梁紇而以顏路曾皙孔鯉配之上以為然

明史卷五 十禮志二

正殿

肇聖王木金父公

裕聖王祈父公

詒聖王防叔公

昌聖王伯夏

公 啓聖王叔梁公

東配先賢孔孟皮

曾點

孟孫氏

西配先賢顏無繇 孔鯉

東廡先儒周輔成 程珦 蔡元定

西廡先儒張迪 朱松

清雍正元年三月上諭啓聖王至明嘉靖時改啓聖公應自叔梁公以上至木金父公凡五代並追封爲王爵木金父公爲肇聖王祈父公爲裕聖王防叔公爲詒聖王伯夏公爲昌聖王叔梁公爲啓聖王其啓聖祠內係專祀叔梁公故以啓聖爲名今合祀五代應更名爲崇聖祠

清會典

孔子廟位次

正殿

至聖先師孔子

東配 復聖顏子回 述聖孔子伋

西配 宗聖曾子參 亞聖孟子軻

宋神宗熙寧七年夏五月詔以孟子與顏子並配孔子 明太祖讀孟子草芥寇讐之說大不然之

德清縣新志

卷三 建置

七

五年國子監請釋奠命罷孟子祀踰年帝曰孟子辨異端闢邪說發明孔子之道應配享如故蓋因刑部尚書錢唐輿榘袒胸受箭之諫也 明史

東序先賢

閔子損 冉子雍 端木子賜 仲子由 卜子商 有子若

西序先賢

言子偃 顓孫子師 朱子熹

東廡先賢

公孫僑 林放 原憲 南宮适 商瞿 漆雕開 漆雕哆 司馬耕 梁鱸 冉孺 伯虔 冉季 漆雕徒夫 宰父黑 公西赤 任不齊 公良孺

公肩定 鄭單 公西輿如 邽異 陳亢 榮旂 左人郢 鄭國 原亢 廉潔 仲會 顏何 縣亶 牧皮 琴張 步叔乘 秦非 顏噲 程顥 樂正克 萬章 周敦頤

邵雍

西廡先賢

蘧瑗 澹臺滅明 宓不齊 公冶長 公哲衷 高柴 樊須 商澤 巫馬 施顏辛 曹卣 公孫龍 秦商 顏高 壤駟赤 石竹蜀 公夏首 后

處 奚容蒧 顏祖 句井疆 秦祖 縣成 公祖句茲 燕伋 樂欬 狄黑 孔 忠 公西蒧 顏之僕 施之常 申根 左丘明 秦冉 公明儀 公都子 公孫 丑 張載 程頤

東廡先儒

公羊高 伏勝 毛亨 孔安國 毛萇 杜子春 鄭玄 諸葛亮 王通 韓愈 胡瑗 韓琦 楊時 謝良佐 尹焞 胡安國 李侗 呂祖謙 袁

變 黃幹 輔廣 何基 文天祥 王柏 劉因 陳澧 方孝孺 薛瑄 胡居仁 羅欽順 呂柟 劉宗周 孫奇逢 黃宗羲 張履祥 陸隴其 張伯行 湯斌

西廡先儒

穀梁赤 歐陽修 司馬光 游酢 呂大臨 羅從彥 李綱 范曄 仲淹 高堂生 董仲舒 劉德 后蒼 許慎 趙歧 張甯 陸贄 范

陳淳 眞德秀 蔡沈 魏了翁 趙復 金履祥 陸秀夫 許衡 吳澄 許謙
曹端 陳獻章 蔡清 王守仁 呂坤 黃道周 王夫之 陸世儀 顧炎武
明倫堂 續前志清道光二十四年知縣盛隆重脩咸豐十一年燬於兵光緒二十三年知縣黃
大華捐廉銀三百元教諭樊耿光捐銀一百元署奉天東邊兵備道邑人徐本衡助銀
三百元職監生戴湘助銀一百元貢生徐士駿施涵徐肇基許德修廩生沈
光裕互相捐募建復規制悉循其舊堂之東豎有俞樾碑記俞陞雲書丹

博文約禮齋 清咸豐十一年
燬於兵今未建

敬一亭 同上

會饌堂 清咸豐十一年
以前廢今未建 號房 久廢

學廡

教諭廡 向在敬一亭後清咸豐十一年燬光緒二十三年教諭任琦勸捐
改建於明倫堂右側訓導廡東之隙地與訓導廡並後作勸學所

訓導廡 同時被燬清光緒二十三年重建與教
諭廡並今爲縣立高等小學校膳宿舍

中門 同時
建復

學門 同上

學倉 久
圮

德清縣新志

卷三
建置

八

學庫 廢今 所藏書籍祭器於咸豐十一年被燬

勸學所清光緒三十三年成立初與教育會合駐清溪書院第一進民國元年
奉令停辦三年八月知事林典詳請巡按使屈借用清溪書院房屋爲浙
江第四模範繅絲廠乃移教育會於教諭廡計平屋兩進六間門房兩間
廚房兩間民國五年一月知事吳翥臬奉令籌設勸學所爲教育行政之
常設機關詳請以舊教諭廡爲所址奉省令照准

教育局 十二年六月由勸學所改設局舍由局長蔡景謨重修

射圃社學 均續侯志其基地同前未變在大南門街宮牆內市廛週
密向由業戶輪租於學民國二年撥入德清縣教育會

清溪書院 續周志清咸豐十一年兵燬同治八年知縣張文燭詳准撫憲以大麻鎗匪凌勝
貴之宅拆建於此邑人蔡振勳施涵蔡兆騏沈駿飛丁覺源高點董其事並將前
面文昌祠基之半圈入牆內即今第一進之平廳三間也第二進樓廳三間其上向供魁
星下供文昌像以備縣官致祭第三進樓廳三間後有廚房三間九年秋竣工並於絲捐
善後項下籌款四千二百千文爲基金存放生息以作歲費延師主講朔望開課光緒二
十九年廢四書五經課題改策論邑紳蔡煥文程森徐師善許德溥會商徐士駿施涵等
允以其息爲官立高等小學堂經費並創立於此移神像於文昌閣三十二年學堂遷於
新舍其第一進爲教育會會場第二進爲勸學所第三進與廚房爲縣議會寄宿舍民國

三年設省立第四模範繅絲廠由前廠長稟請借用嗣均撥回充作教育機關場所

織簾書院 久廢地存

呂成公書院 本名東策讀書堂宋謝夢生有讀書堂記歲久迹泯僅存廢地

履齋書院 久廢地存均見前志

通俗教育講演所 民國五年三月由知事吳駕臬籌設附於勸學所

通俗圖書館 民國十年由知事彭彝聘程森籌備成立以已停省立第四模範繅絲廠屋為館址

公眾體育場 同年由程森向丁紳炳浩募捐基地五分餘合原有地共畝許墊貲創建場址即在通俗圖書館前

小學

務本學塾

清光緒二十七年由士紳許炳堃蔡煥文創設用學堂新法躬親教授全縣景仰塾址先在許炳堃宅旋炳堃留學日本由黃開甲繼借設城內戴侯廟真身樓為全縣小學之濫觴

縣立清溪高等小學校暨清溪國民學校原名官立高等小學堂附初等小學堂清光緒二十九年邑紳蔡煥文程森等具稟程令就原有務本學塾改

德清縣新志

卷三 建置

九

設三十年二月成立以清溪書院為學舍及停止之膏火為經費三十二年邑紳徐士駿等將察院行臺廢址建築校舍四月落成乃將高小學生遷入焉所建計平屋三進十五間又門房兩間頭門在忠義祠而出入由義路是年秋復裁訓導乃將清溪書院初小學生遷入訓導廨 舊廨燬於年光緒丁酉歲教諭任訓導夏勳捐重建 計平屋兩進六間又門房兩間廁所兩間另闢察院餘址為操場 在新校舍西忠義祠崇蔭軒後共約十畝 民國二年遺愛學校 邑廟太子廳 停辦遂以初等學生移駐此處計平廳三間平屋六間門房三間共約二畝

書院移交存典錢四千二百千文又移交寶興錢三千千文清宣統三年秋起至民國二年止該校因每年短少串票捐錢二百千文漕餘捐錢四百千文除提存款錢一千三百四十千文支銷外共存錢五千八百六十六千文光復後以錢一千作銀一元 又交書院田五畝三分一釐八毫地一畝四分七釐四毫

民國五年分經費計絲捐銀約八十元碗茶捐銀約一百八十元地租銀三十元存款一城鎮各典一生息銀約六百元義塾捐銀一今改典業捐一四十二元學費銀

三百七十餘元縣稅銀八百元
合計銀一千七百三十餘元

尚德國民學校原名

城立第一初等小學校

清宣統元年七月成立校舍租賃趙家弄民房

務實國民學校原名

城立第二初等小學校

民國元年二月成立校舍於三年一月稟縣

核准撥給城西稷穀祠房屋九間操場一所計基地一畝三分二厘五毫

誠中國民學校原名

城立第三初等小學校

民國元年三月成立校舍租賃務前民屋附

有操場

樂羣國民學校原名

城立第四初等小學校

民國元年四月成立校舍於二年七月稟縣

核准撥給小南門佑聖觀房屋三間又借用右首袁氏土穀祠房屋三間

附有操場

明道國民學校民國五年三月成立校舍借大南門外舊蠶桑學校房屋十間

明新國民學校民國五年八月成立校舍租賃張仙弄民屋附有操場

開智女子

國民

學校原名城立女子

高初

等小學校清光緒三十年二月成立校

德清縣新志

卷三
建置

十

舍租賃縣東街民屋操場一所

經費

原案僅有碗酒白肉兩項捐銀二百八十元學費一百元餘為縣稅補助

明誠國民學校民國五年二月成立校舍租賃蠡山村民房附有操場

清源國民學校民國五年成立

城區私立

校舍借用戴侯廟真身樓三間廟後附操

場一所

振新國民學校原名

雷甸鄉立第一初等小學校

民國元年三月成立校舍稟縣核准撥給該

鄉土主廟房屋五間操場一所

啓英國民學校民國五年一月成立校舍借用天字圩民屋附有操場

近仁國民學校原名

白雲鄉立第一初等小學校

民國元年三月成立校舍租賃雙溪頭民房

附有操場

育才

國民

學校原名

洛舍鄉立高等小學校

清光緒三十二年正月成立校舍稟縣核准

撥給該鄉關帝廟樓屋六間操場一所

經費

原案僅有土主廟款銀六十元屠宰稅附捐銀七十二元青葉捐銀三十元碗茶捐銀一百元餘為學費及縣稅補助費

迪新國民學校原名

洛舍鄉立第一初等小學校

民國二年二月成立校舍租賃堂前村民房

操場借用劉王廟空地

以上屬舊第一學區

仙潭

高等小學校

學校原名鎮立

高等初

等小學校清光緒二十九年鎮紳鍾選青沈汝

楷等發起仙潭兩等小學堂請以仙潭書院為校舍

即仙潭文社並文昌閣屋見仙潭書院碑記又

絲業公所注內

三十一年二月成立三十二年堂外隙地由絲業公所讓為操場

酬銀三百元宣統三年添造禮堂三間知縣林祖賢助銀一百元經董沈

汝楷移助壽禮銀五百元共計房屋二十九間

書院移交存典錢四千千文

光復後提用錢二千五百千文實存一千五百千文

又移交登瀛會錢二

千千文共存錢三千五百千文

如數易為銀圓存作基金

其餘為市屋

經費

查原案僅有碗茶捐銀五百五十二元存款生息銀二百零四元市屋租銀一百三十二元學費約四百元縣稅六百元合計銀一千八百八十餘元

正蒙國民學校原名

鎮立第一初等小學校

清光緒三十三年正月成立校舍借用劉王

德清縣新志

卷一
建置

十一

堂房屋五間操場一所

明強國民學校原名

鎮立第二初等小學校

清光緒三十三年八月成立校舍租賃西河

口民房

務本國民學校原名

鎮立第三初等小學校

民國四年八月成立校舍租賃東柵民房

競存國民學校原名

鎮立第四初等小學校

民國元年五月成立校舍租賃曉翠巷民房

附有操場

正本國民學校原名

鎮立第五初等小學校

民國元年五月成立校舍租賃機坊弄民房

育英國民學校原名

鎮立第六初等小學校

民國元年三月成立校舍租賃西柵民房

敬業國民學校原名

鎮立第七初等小學校

清宣統元年正月成立校舍租賃後弄民房

啓明國民學校原名

鎮立第八初等小學校

民國二年二月成立校舍租賃朱家弄民房

操場借藥王廟前隙地

正修國民學校原名

鎮立第九初等小學校

民國二年三月成立校舍借用徐家莊禹王

廟屋四間

求是國民學校原名鎮立第十初等小學校 民國四年八月成立校舍租賃鎮南直街民房

明德益智 女子高小國民學校原名鎮立女子高初等小學校民國元年三月成立校舍租賃北柵民房並連操場

賃北柵民房並連操場

經費查原案僅有運絲捐銀二百四十元碗酒捐銀三十元餘為學費及縣稅補助

毓秀女子國民學校原名鎮立第一女子初等小學校 民國三年一月成立校舍租賃朱家弄

民房

守貞女子國民學校原名鎮立第二女子初等小學校 民國四年八月成立校舍租賃東柵民

房

葑溪國民學校原名鎮區私立葑溪初等小學校 清光緒三十二年正月成立校舍借用葑溪

嵇氏宗祠四間操場一所

由嵇氏公產撥銀一百四十元為經常費餘為縣稅補助

古相國民學校原名松山鄉立第一初等小學校 民國二年十二月成立校舍借用鍾管村真

教寺四間操場一所

經正國民學校原名松山鄉私立初等小學校 民國四年八月成立校舍借鍾管村校長朱

英住宅十四間操場一所

校長朱英年助二百元為經常費餘為縣稅補助

白彪國民學校民國五年九月定為松山鄉區立校舍借用白彪東村永寧寺

屋五間操場一所

致用國民學校原名大麻鄉立第一初等小學校 民國二年八月成立校舍借用民屋

以上屬舊第二學區

進德國民學校原名安國鄉立第一初等小學校 民國元年一月成立校舍租賃下舍民房旋

遷蘭村

壘溪國民學校原名安國鄉立第二初等小學校 民國二年一月成立校舍租賃勾壘村民屋

競化國民學校原名

安國鄉立第三初等小學校

民國二年二月成立校舍借下舍村土主廟

大殿五間

箬溪國民學校原名

安國鄉私立箬溪初等小學校

民國二年四月成立校舍借用宣家橋沈氏

宗祠操場一所

由沈氏祭產年助銀二百元為經常費餘為縣稅補助

日知國民學校原名

龍潭鄉立第一初等小學校

民國二年三月成立校舍租賃東衡里民屋

時敏國民學校原名

新塘鄉立第一初等小學校

民國元年三月成立校舍租賃徐家墩民屋

尚志國民學校原名

三山鄉立第一初等小學校

民國元年三月成立校舍租賃關村民屋

達材國民學校原名

三山鄉立第二初等小學校

民國四年四月成立校舍借用鍾管民屋

養性國民學校原名

仁壽鄉立第一初等小學校

清宣統元年正月成立校舍借用曲溪灣潘

氏旁房附有操場

修德國民學校原名

仁壽鄉立第二初等小學校

民國二年三月成立校舍借用戈亭村土主

廟操場一所

以上屬舊第三學區

合計高等小學校五國民學校四十三共四十八所其正在創設者規定每年四所各校經費除高小及私立初小各叙原案及支用縣稅補助又清溪仙潭兩校立案時向有規定外其餘區款以統收統支暨補助以學生多寡成績優劣為原則故不瑣載

民國八年采訪稿

倉廩

常平倉

續見志久廢云已入賦為民業不可考其唐樓南倉基原係大善寺禪堂舊址納還官價仍歸本寺執業

阜安倉

續周志清咸豐十年兵燬在縣署內典史廩照壁南曾改建公共操場

便民倉

續前志清咸豐十一年兵燬同治四年知縣劉蘭敏詳請撥款重建

按便民倉以民國元年起停止漕糧改徵抵補金致倉廩廢壞民國四年由浙江官產處將基地二十三畝四分八釐平屋一百三間標賣銀一千

六百元爲民業

預備倉

續前志在清河坊已改建警察所餘地直達溪岸今存

太平倉

續周志清咸豐十一年兵燬其基地遂併入忠義祠繚以牆垣

會所

縣議會

設正副議長各一人(一議員中選出一議員二十人(一合邑選出一民國元年成立借用邑廟三殿爲議場清溪書院第三進樓屋三間爲寄宿舍第四進平屋三間爲廚房三年三月解散九年復設租用民房

參議會

參議員四人(一議員中選出一)設縣署內與縣議會同時停止九年復設名參事會駐典史廡

城鎮鄉議事會

各設議長議員城鎮並設董事各鄉僅設鄉董清宣統三年三月同時成立民國元年改選城議事會借用清溪書院第二進樓屋爲議場三年三月與

縣議會一律停止

自治公所

縣丞廡久廢清光緒乙亥年知縣支恆椿於縣署請款內關縣丞廡址起造典史廡以重捕務治廳三間左右邊屋各二間中堂五間後堂五間東廊房兩間廚房四間頭門四椽民國元年廢典史二年司法獨立借設審檢所三年取消四年八月知事吳鸞臬奉飭籌辦自治指定爲自治委員辦公處即舊典史廡也

德清縣教育會

初以省城爲教育總會各縣爲分會清光緒三十二年成立稟縣核准撥給清溪書院第一進平廳三間爲會場第二進左右廂披爲辦公處經費除民

德清縣新志

卷二 建置

十四

國二年撥充射圃社學地租外又有學師曹公一黃圩祀田九畝八分三毫附設閱報社一所所址借用阜安橋觀音殿(見下)

閱報社

向由教育會補助民國五年復歸教育會經理

新市鎮教育會

民國元年十月成立借用鳴因寺偏屋爲會場

洛舍鄉教育會

民國元年成立借用洛舍小學爲會場

德清縣商會

初名德清縣商務分會以省城爲總商會清光緒三十三年五月成立借用忠義祠棠蔭軒爲會場民國五年奉改今名

新市鎮商會

成立改稱年月同上租賃民屋爲會場

德清縣農會

民國二年成立與縣商同駐一處

新市鎮市農會

民國七年成立會所租賃民屋

太平鄉農會

民國二年成立借用虎嘯橋土地廟爲會場今廢

育嬰堂

續周志清咸豐十一年屋燬僅存頭門正廳同治三年丁覺源蔡兆騏沈駿飛許士奇募建如舊並稟知縣劉蘭敏詳請撫院藩司批准鄉民售絲每銀一元助錢二文肉舖斬猪一頭助錢十六文光緒十九年徐本衡助錢一千串許善承助錢三百文菱湖絲商唐元甫助錢五百文二十三年正廳三間圯徐士駿徐肇基等建復之二十七年清明日頭門火徐肇基沈光裕等籌款重建計存濟大濟亨長發德豐恆豐昶錢二千七百九十九千文基地田租市房均見民國三年徵信錄有聯曰頭上有青天威赫赫眼前

皆赤子子惠元元言
簡意深沈芬書撰

新市鎮育嬰堂

在南市游家潭清同治甲戌年秋郡紳姚鑑邵桂生勸立知縣唐煦春捐廉二百元光緒元年四月落成爲撰碑記其事欵見徵信錄

鍾管接嬰所

自清光緒中葉由湖州仁濟善堂董事姚鑑勸設舉宋頤珍經理所務後舉傅廷欄施陞廣接辦至宣統三年光復時停辦該所向無公產除日捐猪捐外缺

數由仁濟
善堂補給

尙博村接嬰堂

附傅氏鄉賢祠內民國四年八月由傅懋元與妻李氏端臨捐金勸辦稟縣批准立案

養濟院

在丁家弄柳侯祠下面俗稱孤老院兵燹後基地築圍牆餘廢

掩埋會

無會所每年冬至後掩埋暴露屍骨清光緒年間邑人許士英王福壽等繼續辦理新市在同治年由費氏主其事光緒間歸留嬰堂人民國同

救火會

觀音堂餘不廟紫陽觀並縣公安局左側及新市鎮均備有救火水龍經費由各店認捐民國三年新市統捐局於附捐項下提撥新市德清救火會每年各一百五十元呈

省立
案

甯紹會館

在小南門龜迴壩西南清嘉慶十四年慈溪旅德藥舖主沈益壽集貲建造購十

七區六壓地八分零成豐間燬於兵燹肅清後重建光緒十三年鄞縣戴性善續購同圩地三畝二分八釐六毫又城山畝圩屋地三分三釐零淡竹塢義塚地五畝畢家圩義塚山五畝七分凡遇病故無力還鄉者准其停柩一年逾期例於清明冬至前廣告遷葬春秋兩季設醮祭靈重鄉誼也額其廳曰同善堂

德清縣新志

卷二
建置

十五

新安會館

在邑之東門外蔣灣圩清道光四年金瑞集貲創造咸豐年厄於兵燹光緒元年重建額其廳曰敦仁堂供先賢朱文公熹神位重鄉望也設義園於籠糠山下以

葬徽人之無歸者新市
亦有會館在步雲橋南

四明公所

在新市鎮清時由旅鎮舊寧屬人捐貲創建

古越會館

在新市鎮清時由旅鎮舊紹屬人捐貲創建

金陵館會

在新市鎮清時由旅鎮江蘇江寧人捐貲創建

金華會館

在邑之大南門外民國五年由舊金屬同鄉發起集貲組成一在新市鎮

模範醫局

民國四年成立不取醫金設內科外科傷科針灸科兒科租賃民屋爲局址知事吳鬻臬每月助銀拾元

浙江第四模範縲絲廠

民國三年知事林典詳請巡按使屈映光借用清溪書院第一進平廳至第四進廚房爲改良縲絲廠又於書院牆門外隙地一舊

文昌祠前進一起造洋式樓房三間義路側竈屋兩間共洋五百元由廠長徐師善呈報立案中設腳踏木車二十具再縲車四具縲法及檢驗器具照上海乾經廠民國四年至農工商部出品協會呈解九至十一三至十五條紋絲絞奉給優等獎照嗣因鄉農艱於仿行五年十二月停止

德清縣貧民習藝所

民國四年十二月知事吳鬻臬奉令創立租賃溪東民屋爲所址所習之藝以機織爲主體十年新市亦設一所所址借用東廟習藝分

筆科藤科未久
因費絀停辦

森林場

民國四年知事吳鷺皋於大南門峻明橋外演武場西門外社稷壇（俗稱地壇）創設二所畝分均見侯志栽種松杉提倡植樹

苗圃

民國五年知事吳鷺皋於新市鎮鳴因寺舊址創設

洛舍織布廠

客民楊洪興創於清光緒季年有木機四十具所出格子布愛國布暢銷

農業試驗場

清宣統元年由閩毓璇徐師善於南門峻明橋外合資試辦

絲業公所

初在新市碧玉橋西（即今仙潭學校校址）洪楊時燬平定後絲商興復之東側為仙潭書院鎮紳鍾丙熙所創始焉清光緒三十一年仙潭書院改為仙潭學堂併文昌閣為講舍絲業公所乃遷於長壽宮並將前面白地讓為操場由學堂酌給修葺長壽宮費銀三百元縣令陳宗元獎以急公好義匾額計服字圩二百四十三號地一畝八分三釐二毫正

釐二毫正

米業公所

在新市鎮大王廟內

舖舍

香亭舖

司兵七名今廢

遵臻舖

府志作遵鷺舖司兵五名今廢

烏鳶舖

司兵五名今廢

德清縣新志

卷三 建置

十六

按賦役全書以此三處為衝要設舖民國元年裁廢

賢祠

名宦祠

清同治四年知縣劉蘭敏於聖廟請款內同時重建

鄉賢祠

同上又鍾管村尚博由傅雲龍為父羹梅請立鄉賢專祠清光緒二十六年落成

忠義孝弟貞節祠

即前志忠孝貞節兩祠舊址清雍正四年知縣崔宣奉文建（府志）咸豐庚申燬光緒十年知縣童叶庚詳請藩憲在絲捐善後項下撥款起建邑紳許士奇徐士駿許士英施涵董其事因舊址褊隘適祠西有已廢察院行臺改建太平倉兵燬隙地併入之計頭門三間額曰忠義孝弟貞節祠第二進平廳三間供忠義孝弟諸木主第三進平廳三間供貞孝節烈諸婦女木主東側牆外披屋二間為看役住宿處西側牆外光緒十七年添造廳屋三間並走廊為官紳致祭憩息所額曰棠蔭軒前後種值花木西有竹園頭門內西廊豎有知縣吳念椿所書碑記新市在南土主廟東

織簾先生祠

向在織簾書院旁清咸豐年被燬地存

東萊先生祠

向在東萊書院之上清嘉慶七年飭有司防護咸豐間燬碑亦殘闕民國三年由程森搜羅殘碑十二碓樹之墻隅光緒間寺僧曾將祠址為僧房

三賢祠

續侯志

清嘉慶七年飭有司防護

兩浙防錄

明陳霆有三賢祠記咸豐年兵

燬地存

陳侯祠 久圯地存

三侯祠 久圯去思碑亦毀棄地存

宣教劉侯祠 見前志在新市米漾橋西亂後建復

趙文敏祠 在禮宸門外戴灣況 舊稱趙孟頫讀書處即楊林堂別業也故金隄橋南為松雪里清咸豐辛酉被燬同治八年邑人談祖功徐玠芬募建祠外有白銀杏樹二枝圍

可數抱光緒八年秋大風吹摧連根拔起祠內有綠萼梅二傳與銀杏樹均為文敏手植同時折其一里人奉為土主神又東衡村北有行祠前有古井猶存遺蹟同治年里人建復

楊忠愍公祠 諱繼盛字仲芳世稱椒山先生明嘉靖三十四年官兵部武選司員外郎上疏劾嚴嵩父子被害有家訓行世祠在新市徐家橋清咸豐癸丑年鎮人陳子樵

等募捐新之石門舉人譚達仕撰駢體碑記仙潭志餘

壇廟

先農壇 在東門外三里塘琵琶橋西廟燬於兵燹籍田地存清會典載直省府州縣歲以仲春吉亥各於所治東郊建先農壇朝服行禮禮成更采服率屬行耕籍禮祭品羊一豕一

□一簠簋各二籩豆各四尊一爵三帛一通志壇制壇中正祠五間左右翼七間後立寢室內供先農炎帝神農氏之神先農厲山氏之神先農后稷氏之神田在壇前又云先農壇最為鉅典應列諸祠之前而社稷山川諸壇次之

先蠶廟 在三里塘太歲殿後下建石河埠清乾隆五十九年奉文建立先是奉上諭吉慶奏浙省鄉民飼蠶每年在軒轅黃帝廟後殿祈祀蠶神向不官為致祭蠶桑本與稼穡並重

浙省杭嘉湖三府尤比戶飼蠶以資生業允宜恭祀先蠶聿昭崇報着每年官為致祭載入該省祀典並御書匾額發往懸掛軒轅黃帝廟及先蠶後殿以祈神貺等因每歲春秋二祭祀以少牢春祭以季春吉日秋祭以九月十六日其儀品如先農壇例並祀軒轅黃帝咸豐辛酉與迎春廟同燬地均存

太歲廟 即迎春廟在先蠶殿前凡立春前一日同城文官朝衣朝冠同至該廟行迎春禮立春日在縣署鞭春牛各官致賀

社稷壇 俗稱地壇在西門外屋垣久圯民國五年知事吳鷺皋改森林場

風雲雷雨山川壇 俗稱天壇在峻明門外墻圯地存

邑屬壇 在北門外墻屋均圯明洪武三年定制京都祭太厲王國祭國厲府州祭郡厲縣祭邑厲皆設壇城北一年二季後定郡邑厲屬皆以清明日七月十五日十月朔日

前期七日邑令預牒城隍神祭日設城隍神位於壇上無祀鬼神位於壇下之東西羊三豕三飯米一石(明史五十卷禮志六)民國元年均廢地存

關帝廟 續周志清咸豐間燬地存民國十四年知事袁思古建復改關岳廟

關岳廟 在禮宸門外慈相寺南房民國四年知事吳鷺皋奉令創立十四年移關帝廟

正殿神位 關壯穆侯 左 岳忠武王 右 東配 張飛 王濬 韓擒虎 韓世忠 旭烈兀 附傳 趙雲 謝玄 賀若弼 李光弼 狄青 劉錡 郭侃 曹彬 戚繼光 西配 附傳 藍玉 尉遲敬德 王彥章 常遇春 周遇吉

按森歷襄關岳祀事見兩配諸將史均有傳惟旭烈兀與郭侃事蹟較晦爰附傳於後俾覽者有所考焉

附 旭烈兀傳
郭侃傳

旭烈兀蒙古人自鐵木真

即成吉思汗本名特穆津

東歸中亞細亞之地漸次不靖花刺子

本王國其版圖括近今之布哈爾土耳其斯坦阿富汗斯坦比路芝斯坦波斯及亞細亞土耳其其東西撒馬爾罕巴密爾喀布爾欣都克斯印度河西達黑海地中海阿拉伯比境南濱波斯灣阿拉伯海北抵高加索山裏海西亞細亞全土舊為黑契丹花刺子謨所占有成吉思汗掠其地奴其民之王子扎蘭打先竄印度得帖

木兒蔑里之援潛回故土再圖恢復太宗

名謂格德依

使綽兒馬罕擊殺之然回教

徒時猶謀叛於是憲宗

名莽賈扣

又命皇弟旭烈兀

元太祖幼子圖賴第六子憲宗時進征西域諸都建伊兒汗國按伊兒汗

國據阿母印度兩河西及羅姆凡阿富汗俾路芝波斯亞細亞土耳其一帶皆隸之以媽拉因河為國都旭烈兀子孫君臨於此

討平西方之亂旭烈兀

自喀喇和林

在杭愛山麓窩闊台所定都城

沿天山北麓至阿母河畔招致西域諸王併領其軍

伐木刺夷國木刺夷者故居裏海南愛爾布之山邊素奉回教其先世哈山沙

巴哈奪波斯之阿速摸忒堡依山據險者也其俗極慘毒陰謀行刺且久為蒙

古患旭烈兀破其巢穴回教主降滅波斯進兵逼八吉打木刺夷之遺族遁於

德清縣新志

卷二 建置

十八

密昔兒

今之埃及

稱哈利發旭烈兀分兵二隊使統制郭侃進攻印度伽濕彌羅地

方

即克什米兒

侵略入奴隸王朝以絕後顧之憂自率大軍西進襲密昔兒陷的迷

失吉略天方

阿刺比亞

耶教徒與之連和方欲殲滅回教會憲宗卒乃班師是謂第

三次之西征此西人黃禍之言所由來也

浙江高等學校近世史第七編

郭侃字仲和華州鄭縣人為郭子儀之裔德海子寶玉孫元丞相史天澤器重

之常從旭烈兀破西域數百城得地萬餘里擢為萬戶從軍下襄陽平江南遷

知寧海州居一年卒軍有紀律不入民舍所至興學課農吏民畏服

參元史一百四十九卷

關帝行宮

在西門裝駕橋東塊係開元宮下院向有正殿三間後有觀音閣三間東西兩廊左有張魯二仙廟殿右小屋兩間為廟祝住所清咸豐十一年燬同治十年里人

施涵蔡兆驊募建正殿春秋二祀及五月十三日誕辰縣治東正廟尚付闕如權至行宮致祭一在新市東永靈廟右宋建炎中張俊捨別業為佑聖祠明嘉靖三十四年縣丞劉

永盛奉檄防倭駐祠中移佑聖像於後樓更設呂望關羽岳飛像於正殿萬歷間改關帝廟清康熙十四年因火復建仙潭志餘

城隍廟

續前志清道光初年於廟左牆外添造花園廳屋三進並兩廊平屋西首弄下石河埠亦加修整咸豐十一年燬僅存大殿及頭門暨花園內方舊石孟一具同治間里人許

懷清章正綸陸續拆建光緒間里人陳金錄施逢元籌建寢宮及花園內外房屋並於正殿內置鐵鑄燭臺香爐一副二殿內置點銅燭臺一副頭門外鐵鼎一屋邑人俞樾撰碑

記暨大殿左廊清知縣朔望行香民國元年禮廢光緒三十三年聞毓璇設遺愛兩等小學校於花園內民國二年因費絀停辦今改設縣立小學焉按城隍前代多人祀典本無姓京省封爲王府爲威靈公秩正二品州爲靈佑侯秩三品縣爲顯佑伯秩四品一明史四十九卷禮志六一吾邑傳爲勞鉞牌書威靈公詎以勞公曾爲湖州太守之沿襲乎

餘不亭侯廟 續前志歲以春秋二仲月致祭清嘉慶七年浙撫阮元飭有司防護一兩浙防護錄一咸豐十一年燬同治十三年里人徐敦樸徐士駿募建頭門三間偏室一間正殿三間後又平屋三間臨溪戲臺一座俗稱下餘不廟 又峻明橋南向有餘不廟清道光十五年里人重建一見廟內碑記一咸豐間燬光緒十六年里人林昌熙募建正殿三間後連平屋三間臨溪戲臺一座俗稱上餘不廟廟右牆內有孔侯墓一詳紫陽一觀頭門內西首另有餘不土主祠

惠安保濟顯佑侯廟

續前志

清雍正八年總督李衛疏言神有護衛漕艘之功奉

旨加封保濟春秋致祭

前清會典

嘉慶七年飭有司防護

兩浙防護錄

嘉慶九年加

封惠安咸豐十一年太平軍至里人昇神像於東城外之何家埭同治三年事平迎神像返山巔祠屋三間已被燬棄正殿真身樓儀門頭門僅存屋架邑紳許士奇蔡汝驤募修正殿光緒十六年知縣陳鳳誥修葺儀門又經里人募建戲臺並頭門而聿新之

按侯像金面尚黃葉像尚紅柳像尚綠左皂白右皂黑前人以五色定五方並無特別神異之作用惟一侯志一謂神生於嘉定間至延祐二年以義死年四十四歲查延祐爲元

德清縣新志

卷三 建置

十九

仁宗年號二年乃乙卯上溯甯宗嘉定戊辰元年當百有八歲必是實祐之誤宋理宗寶祐二年爲甲寅溯至嘉定四年爲辛未却合四十四歲則侯生於辛未卒於甲寅可知也墓上有銀杏樹廟前有柏樹縹石皆爲數百年古物廟中有義骨砥流匾前爲胡雪田立清乾隆癸酉年十二月許晉重篆光緒庚辰仲冬許士奇許士英鬆新旁柱有談德壽隸書取義成仁大丈夫當如是矣報功崇德我國家禮亦宜之聯又二門有徐樹基書徐本立撰句祈賽徧鄉關萬炬千鈺匝地歡聲迎社至威靈綬越甸五風十雨隔江鼓吹送春來聯蓋侯有蕭山城隍德清總管之諺也

又慈相野橋西行祠清咸豐十一年燬光緒二十八年章正綸施逢元沈鏡濤募建又東門外烏山堯皇上主廟右及新市鎮並唐樓長橋北塊亦有行祠

昭應侯廟

續前志在市亭山有石池石橋清嘉慶七年飭有司防護咸豐間燬同治十二年里人倪康煒陳承福募建又金鵝山陰有行祠同治初年里人建復

以上

前清爲通祀

孚惠侯廟

續前志神姓陸名載一北史作戴一從宋武帝平關中一見陸通傳一沒後新塘人祀爲土神至趙宋宣和建炎間隣境盜賊竊發所至驚擾土著之民率衆防守

夢神遣陰兵來助新塘獲安他鄉人亦來避寓嗣遇水旱祈禱更著靈異隆興元年湖州忠訓郎牒申兩浙轉運使奏請錫額孚惠一見碑記一廟燬於寇清同治年里人募建士林村有行祠地墓見侯志

永靈廟

續前志神姓朱名泗晉武帝咸甯五年伐吳次年孫皓降至元帝永昌元年陣亡則侯實生於己亥卒於壬午年四十四歲宋陳錢有永靈神號加封記西廟清咸豐十年燬

同治四年程秋舫等募建東廟同時重建

東嶽廟

續前志在城山之陽劉王廟右清咸豐庚申燬光緒十二年里人僅建山門供東嶽神像於紫陽觀按神姓崑（音未詳）諱崇（五岳真形圖）歷代帝王致祭宋眞宗封

禪加封天齊仁聖帝又封雄威將軍爲炳靈公上后號曰淑明（宋史一百二卷禮志一）爲上古之神後世易失考據新市鎮行宮在保甯橋宋姚毅有碑記兵燹後重建

惠應廟

神姓魏名霸侯志云嘉泰十三年特賜惠應額按嘉泰爲宋甯宗年號

吳大帝廟

在大麻塘口清咸豐年重修

靈應蔡侯廟

神姓蔡名欽廟在闕村及蔡家高橋清同治年復建

顯佑沈侯廟

神姓沈名慶之見前志

大王廟

在東門外小虹橋東北漕艘出運時於此祈禱因寇至燬地存一在新市步雲橋西清光緒初年僧恬峯募資建復

按神姓謝諱緒行四爲南宋時臨安諸生讀書金龍山宋亡赴茗水死明景泰間建廟沙灣清順治三年敕加顯佑通濟封號（清會典）

禹王廟

在縣東南徐家庄祀夏禹殿宇寬廣

越王廟

在洛舍市祀越王勾踐之神像其廟現存大殿二殿旁駐陸上警察分所

劉王廟

在城山之陽東嶽廟左清光緒八年建復後殿餘廢神姓劉諱錡字信叔德順軍人宋紹興十年順昌初捷兀朮兵大至錡會諸將議或請全軍而歸錡曰吾軍一動彼

躡其後使敵侵軼兩淮震驚江浙則生平報國之志反成誤國之罪竟以二萬衆破金兵數十萬拐子馬覆焉三十一年爲江淮浙西制置使翌年以憤懣嘔血卒謚武穆（宋史

德清縣新志

卷三 建置

三百六十六卷）里人丁炳勳林昌熙爲撰聯曰神河昉乎由書生爲儒將捷奏順昌祗憑一戰奇勳名垂宇宙地無恙也因故址拓新規溪臨餘不願續千秋鉅典崇祀馨香一在新市鎮之中市旁有李橫像橫錡部將也錡病劇以李橫權其軍（新市鎮志）或以爲宋劉鈐未見有據姑闕之但錡鈐均未封王同時有劉光世者破方臘有功以與時浮沈不爲秦檜所忌開禧元年追封鄜王方諸二劉遠矣相沿稱王後人混詞也餘見雜志

蘭相如廟

續前志在蘭村俗稱蘭公院南北有二北院民國四年衆社重修旁有廉頗像相傳墓在士林村羅安橋西北按蘭爲趙人墓在邯鄲西南德清廟祀之意不可解

或有因

寺觀

慈相寺

續前志在縣北石壁山陽晉成帝咸和中建號石壁菴後廢（府志）唐元和中復建石壁院宋治平二年改今額（侯志）清咸豐十一年兵燹同治間僧衆募建各

房而大殿及鐘鼓樓等處均荒蕪光緒三年重建千手觀音殿並頭門餘未復舊觀按明邑令方日乾有游慈相寺詩（府志）甚古雅

大中乾元寺

續前志在天寶橋南（卽阜安橋）吳羌山之陰前燬於兵後僧建舍二進今亦傾頽矣地存

保慶寺

續前志在西郭外積穀山清咸豐十一年兵燹僅存蔡廣颺手書佛光普照匾一方同治十三年邑人莫與京僧賦緣募建西隅呂祖殿三間懸有嘉慶御筆玉清贊化金字

匾額光緒四年蘇州龐慰高隸書化普若南四字蔡鐸碑已剝落光緒七年重建大雄寶殿邑人陳開萃書額二十四年僧天福募建千手觀音殿父老相傳本名大悲閣建文帝程濟曾避此故俗稱皇宮蟠龍石現存按建文由京口過六合至襄陽往滇陸行或不至此姑存一說而已

延壽寺

在關村侯志謂梁天監中邑人沈慶之捨宅爲寺按慶之卒於宋廢帝乙巳景和元年距梁武帝壬午天監元年已三十六年則捨宅當爲其後人矣清同治年里人建復

眞教寺

續前志在鍾管村清康熙十一年知湖州府同知于焜重修親書古刹崇光匾額今尙存嘉慶間復修咸豐五年改建大悲閣現已荒蕪寺前有雙井年久淤沒

永寧寺

在白彪村

八勝寺

續前志在韶村俗稱大廟清同治年里人募建

慧通寺

續前志初在新市鎮西後建於北柵匪亂廢明金實有碑記

覺海寺

續前志在新市鎮唐時武康有興善寺廢元和十年鍾思深請於刺史薛戎移額建此一府志一清乾隆十七年四月觀音殿燬所有諸天五十三參悉成灰燼而木觀音像僅存一首住僧等謀於衆募貲重建倩里中厲某復刻觀音像乾隆二十五年八月落成殿前植松柏十二枝一詳碑記一洪楊之役贖存金剛殿頭山門同治年脩建靈泉山觀音殿光緒二十四年鎮人鍾鼎文僧維福募建按寺爲唐烏程縣令朱集所捨宋黃庭堅沈清明胡蕙均有詩仙潭志餘

梵行寺

續前志在縣東四十五里苦竹村唐咸通初建號永思寺宋治平二年賜今額一府志一

大善寺

續前志在唐樓廣濟橋西唐貞觀中署曰大明尋燬宋治平初賜額永明有禪師卓錫於此鑄鐘浚井俱名永明二年改今名趙孟頫書額嘉靖間爲倭所燬隆慶初卓見齋捐五百金寺僧募緣恢復卓明卿復益大雄殿文殊普賢像有樓曰淨業殿前有大柏樹一蔭蓋畝許每陰雨則吐烟暑日有大蟒蛇蜿蜒其上寺中指爲怪異清乾隆間大殿歇倚里人錢廷連等倡募重修華南巡儼然有叢林氣象嘉慶間復脩廊廡道光十年廣修上人續募重新至十八年告竣咸豐十年七月二十八日太平軍至燬今僅建山

德清縣新志

卷三 建置

門數椽餘皆荆莽臥碣可慨也一府志參唐樓

鎮志一有卓明卿陳效碑記並諸人疏引詩

安國寺

續前志在下舍村清乾隆元年起建嘉慶七年勾壘范彩章同治十三年僧悟緣先後重修頭門伽藍金剛大殿如來羅漢二殿並觀音大士均裝金像民國五年僧通覺募建關帝殿三間

華藏寺

續前志在吳巷山南兵燹後里人捐貲重修復圯未建地存

妙嚴寺

續前志在西郭外大壯嶺東清咸豐十一年兵燹僅存觀音殿並蔡啓樽紫雲閣額蔡之定聞妙額同治間僧衆募脩並建僧舍數間今亦頽損閣下有池米泔色大旱不涸向有玉樓春牡丹一叢年開數百朵大冠全邑被人鋤掘而死亦可惜也

越山寺

續前志在烏山之陽兵燹後僅建僧舍未復舊觀瀑布泉俗稱越王泉謂勾踐曾至此故名

寶覺慈光禪寺

續前志建於古城之上俗稱城山寺兵燹後至光緒初年住僧募建大殿三間齋堂三間僧房廚房各兩間

開封寺

續前志在積穀山陽兵燹燬清同治十三年里人蔡兆騏沈志宏募建寺前蔡鐸碑記已剝落韓元吉姜夔均有詩一府志一

保寧寺

續前志在大壯嶺之陽即梅塢寺清道光二十年邑人蔡廣颺呈請以寺產印單繳百元補助茅山高橋知事戚思周爲題額曰功成利濟一寺內碑石寺前古梅猶存侯志謂宋高宗紹興八年仁懷朱皇后捨宅爲功德院按欽宗朱皇后祥符人隨宮北遷不知崩所開慶間諡仁懷父伯材武康軍節度使一宋史二百四十三卷列傳五一捨宅事宜續考

永興寺

續前志在平陽嶺兵燹後僅建平屋數間

吉祥禪寺

在丁山之陽明萬曆間邑人戴懷谷闢丁山下馮吉祥地建禪院即名吉祥懷谷子擴舊址建方丈禪堂延僧靈藏主席為吉祥開山之祖（餘見前志）清咸豐十一年燬同治光緒間住僧陸續募建前植牡丹已萎後人補種邑令何太青碑記存

報德寺

在東衡里花山清咸豐兵燹後祇建僧舍大殿未復

清勝寺

續前志在闕山之陽宋王孫趙孟頫築清勝軒讀書其處元初因以名寺庭前銀杏一株一本三幹皆已合抱蔚秀如錦為孟頫讀書時所手植

覺華寺

續前志在新塘村梁天監中郡人沈悅捨宅為寺號華林宋大中祥符元年改今額有經幢唐會昌僧清晉建（府志）清順治五年重修康熙十二年徐倬復建乾隆八年沈述震續修同治間寺僧因兵燹募貲建復

清福寺

在戈亭村清咸豐辛酉年燬廢地存

西蓮禪院

在連山馬迴嶺下今廢

德政寺

在大麻村現存前殿餘廢

宣化禪院

在乾元山頂清咸豐五年冬焚燬丁覺源捐貲建復十一年燬於兵同治七年蔡兆麒沈駿飛丁覺源募建沈芬撰碑記康熙癸丑知縣侯元棐撰有六年為牧心如擣兩度登山意自閒聯雍正癸丑鄂渚王武應又有峯未登臨看那上天下地幻化文章要在放開慧眼雲間翫賞間他萬壑千巖本來面目還須打破情關聯同治己巳徐本

德清縣新志

卷三 建置

二十一

立重書虞徽有高士庵碑記吳綺有詩

鳴因寺

在新市鎮大南欄本名明因俗稱南寺清同治間重建殿東有陳洲娘娘像婦女祈禱不絕殿西有祖師堂供運池大師堂前有骨塔三座每年清明冬至葬寺僧及無主屍骨於其中按寺為吳越國時餘杭令章靖所捨仙潭志餘

廣福寺

在上初鳴兵燹後至光緒初年里人集貲重建

眞常妙覺禪院

在縣西赤崗山久廢

瞻紫禪院

在吳羗山陰之半山清咸豐庚申年兵燹同治六年住僧浩然邑人丁覺源鄭開鰲募建清明前後鄉愚拜香會必由此而達山頂在積穀山陽開封寺西半里今為茅庵存有寶珠山茶花

長慶寺

在西郭外玉崗山陽即東山庵旁有東主泉清同治十三年里人建為土地祠

潮音庵

在下市清光緒年間里人重修

寶壽庵

在東衡村百樑山之陰俗稱茅篷清光緒初年里人建復

采石庵

在蠡山東之半壁山面水背山幽勝可憩清同治後僅建觀音殿鷲嶺遺風額已被燬

慶雲庵

在吳羗山陰乾元寺右久廢入民佃

清溪庵

在城山之左麓侯志謂為報恩寺下院實今之大藏庵也邑令周宗建栽有綠萼梅十數株題額曰分梅館清光緒初年里人募建羽士李來因復於庵前遍植梅花芬芳較勝惜無恆產漸形頹壞

金蓮庵

在吳羌山之陰山澗向有金蓮因以名庵邑侯侯元斐題聯云山厂有泉真可飲竹竿為幕已成隣清咸豐十一年燬光緒年間邑人鄭開鰲同僧募建庵左舊有石路通瞻紫禪院四圍修竹頗饒幽靜

琴山寺

在平陽嶺北兵燹燬清光緒二十七年里人募建平屋數椽

紫陽觀

在市亭山陽大南門街大殿供玉清元始天尊上清靈寶真君太清太上老君畫像蓋做釋氏以本性為法身德業為報身並真身為三清其實一人耳山門供玉樞火府天將王靈官隆恩像考道書隆恩嘗從薩堅傳符法而明弘治元年禮科張九功均請停祀（明史卷五十禮志六）清咸豐十一年觀燬僅遺大殿衆妙之門匾額同治間里人募建又二殿移供東嶽神像邑人莫與京段復信等復募建呂祖殿斗姥閣今稱梵雲壇下有方池石橋（山門右土穀祠祀餘不亭侯）

元峯觀

在吳羌山陽清咸豐間燬光緒末葉木作張聚和集貲建造平屋三間觀內山岸下向有石碑已毀

紫極觀

在太堡塘文墅山陽清咸豐十一年燬光緒十二年里人姚珍三姚文士高世榮周鑑募建廳樓廂樓越二年德清千總詹培材外委陳寶成創建前殿山門供奉呂祖像設鸞壇舊例邑尊委員春秋致祭

佑聖觀

在溪南見山門內清咸豐十一年燬同治八年邑人袁芝齡丁覺源蔡兆騏募建前面垣以牆較舊制更勝許松撰方敏重修記勒碑現嵌殿右牆內天井有鑿花大石

德清縣新志

卷三 建置

橈二極古舊一在西門城左首下岸即盤詰廳基地今廢

按北極佑聖真君者相傳乃玄武七宿宋真宗以避諱改為真武靖康初加號佑聖助順靈應真君圖志以真武為淨樂王太子修煉武當山功成飛昇披髮跣足建皂纛元旗馭龜蛇以鎮北方乃道家附會之說也明太祖謂平定天下有陰佑功於三月三日九月九日遣使祀之（明史卷五十禮志五）以補許松陳靈所未記（此帝王故智也前清禮廢

開元宮

在縣西百寮山之西清嘉慶二十四年邑令何太青等重修蔡之定撰碑記咸豐十一年燬同治十一年耆民沈望之邑紳蔡兆騏募建玉皇殿光緒六年道士施至善募建斗姥閣光緒十三年成衣朱夢龍等集貲建軒轅殿三間

得一觀

在縣西赤崗山久廢現存聖堂

五福觀

清咸豐辛酉年因兵燹蕩然無存同治間於鍾管村永安橋東買地一方建築數椽光緒初復營前殿惟後之三清殿尚未建復

紫金庵

在市亭山隅清同治年里人重建

集聖寺

在楊家塢六稜山清咸豐辛酉年毀壞同治間里人談祖功僧蓮福修葺光緒十九年住僧慧松募建大殿

五石菴

續周志周宗建旃林勝蹟四大字秀媚勁挺見者重之清嘉慶間日就模糊僧慧撤其居而新之清涼散人惜其真蹟淪亡命工望治其板鉤摹其上蓋伸其敬仰之意焉（聽雨軒）咸豐辛酉年毀廢碑記石照（音備）（屬）音未詳負重大龜也（亦碎）泉漸淤

呂祖殿

唐呂岩以元封純陽演正警化孚佑帝君又清嘉慶九年加錫燮元贊運四字命直省通祀惟祭品不用牲牢在市亭山北按道光季年鄧氏設枕山茶樓於其地亭池

器具精雅著名光緒十年邑人徐敦樸許士英徐士麟蔡燮鈞徐永善蔡承志等議建呂祖殿而地主鄧霖遂輸助焉殿左為大悲閣右為溪秀壇照壁外放生池嵒三傑購助西牆外廚房基地沈以震捐助光緒二十一年邑紳徐本奎等稟准縣官春秋致祭禮節器物視祭玄帝制並列入祀典民國元年禮廢右廊牆上有蔡燮鈞碑記

觀音堂

在阜安橋南塊向為乾元寺山門清咸豐庚申年燬同治初年里人重建東廂樓下有斷碣一神座左有道光季年重修阜安橋碑一

威武侯祠

即吳恙山陽橫街頭之土地廟侯史無可考俗稱宋將楊再興清同治年里人重建

裴墳庵

在丁山之陽庵前有裴休墓已湮陷清同治初年比丘了義募貲重建

神林祠

即邵先生祠在小南門外神林村諱圭潔常熟人秉鐸德清有政聲鄉人祀之

萬壽庵

亦在神林村清同治間重建明邑令周宗建題額曰妙光常朗今尚存

古清溪祠

在仁德門下之溪塘上清明日各社迎戴侯神像踏勘險塘憇於此廟演戲敬之兵燹後建復右首關帝廟同

大悲庵

在大南門外赤土山麓有二泉出紅蟹向為徐氏所建燬於清咸豐庚申年現存荒址

地藏殿

在峻明橋西東嶽廟之左燬於清咸豐辛酉年同治九年邑人許秉鈞徐本懿倡議僧宏福募建殿宇三間餘未建

玉皇宮

道家稱昊天上帝亦曰玉皇大帝宋徽宗上徽號曰太上開天執符御曆含真體道昊天玉皇上帝冬至日祀天於圓丘帝政時代奉為大典而人民亦附會之宮在縣南金鵝山頂明崇禎十五年知縣符遯中建清咸豐庚申年燬同治八年許秉鈞許運隆徐厚生王雪樵阮葆林認貲重建道士李來因監其工後有金鵝潭潭西有斷碑已剝蝕

德清縣新志

卷三 建置

二十四

又開元宮有玉皇殿見前

巧仙祠

即張魯二仙廟在玉塵門外關帝行宮左清咸豐辛酉年兵燬同治間泥木石三業集貲公建

綠瓢禪院

在西門外之瓜山辛酉劫後荒蕪光緒十三年邑人陳金錄徐本奎僧劍池募建佛殿山門又於院左建呂祖殿疊石鑿池栽桃李植桑竹籬垣週繞漸成勝境其

徒法藏與有力也民國五年知事吳嵩皋游其地助銀百元另建一軒並為文記其事警官陳偉方題曰鶴居馮震曹福餘等復伙助其成

巴公祠

在東衡村大橋北塊俗稱朝奉堂前有古井已湮塞清同治初年遭兵燹光緒七年里人章愚溪等修葺之（見徐宗璞記）民國二年將市租酌撥日知學校餘留社祭

高侯祠

在縣東北白羊圩神名倬四川忠州人明天啓丙寅來知邑事有惠政（見治行傳）入祀名宦祠民感其德立祠於此俗呼高王廟清同治年里人建復

太均祖殿

在縣北十五里北尺山巔神姓陸名圭世為昭慶軍人生於熙寧間以祖澤補右南大震軍師調圭引兵駐浙江進嚴瀨與賊慶戰敗而遁暨師還錢塘而卒遂為潮神

淳祐間錢塘江復大決有司隨築隨圯神與三女揚旗空中浮石江面以顯其靈隄賴以成浙西帥臣徐東以其事聞於朝乃賜額曰協順廟封爵曰廣陵侯封妻姚氏為花錦夫人三女為顯濟通濟永濟夫人（府志）後又益以德清徐氏夫人俗稱四殿太均是也（唐樓鎮志）按徐端於清嘉慶時曾為河督有功績而協順廟益以徐夫人似愈附會德清各廟有賜子太均像大都因求子而設多不知其歷史者也

堯皇祠

在東門外烏山之陽諺以堯皇為土主俞樾撰有耕而食鑿而飲相傳中古遺風尚存廟貌春有祈秋有報願與故鄉父老同拜神祇聯另殿三間為戴侯葉侯柳侯三

神行祠清明節必賽社
清同治中年里人重建

柳侯祠

在西門城上兵燹後里
人公建俞樾撰有聯句

稷穀祠

在西門城上街清同治間里人重建供西關柳侯
像民國元年設務實學校像移西門城上柳祠內

范蠡祠

在蠡山之巔范大夫常隱於此後里
民奉為土主神清光緒初年修建

葛仙祠

在東門外葛山之陽葛洪隱此修
道因以名祠兵燹後里人修建

海神祠

在大麻區海卸村
清光緒初年重修

玉樞觀

在雷甸市建造年無可考傳謂潘洞雷羽士建
洪楊時燬同治年里人重建三清殿餘未建復

北聖院

即北聖堂在樓水北廣濟橋西明崇禎間修葺後圯清乾隆辛巳住持朱某募建
大殿道光初年大善寺僧廣修募貲重修咸豐十年燬同治五年道士周笛仙鎮人
姚桐等復建三官殿及客

堂六間（唐樓鎮志）

棲霞禪院

在唐樓北聖院西明末僧朗月結茅居此清順治十七年居士朱昉募眾闢地延
石庵禪師重建遂改今額道光初廢今占為民居徐士俊有訪石庵大師詩（唐

樓鎮志）

闕山祠

在闕山之陽吳澤隱居
於此教耕化民立祠祀之

德清縣新志

卷三 建置

玉真庵

在新市楊樹灣即東佑
聖祠清乾隆壬寅年建

緣善庵

在新市明因寺東清順治
間建今廢姜銑有碑記

顯親寺

在洛舍北與舊歸安縣連
界今廢釗汝康有碑記

張仙殿

在蘭村俗稱百子堂清咸豐時被燬同治六年募建光緒十六年重修
按張仙或謂即蜀主孟昶求子者每與太均並重不知迷信之由來也

慧日寺

在蘭村始於元至正時重建明萬曆更新清乾隆五年住持僧明鑑德彰董事
孫道林出資復造供釋迦牟尼佛按佛為印度雪山伽毗羅國淨飯王太子名悉達
多利亞安族有婆羅門刹帝利吠舍首院四階級最不平自佛降生後創萬物平等
說又感老病死之苦於十九歲出家四十餘歲得道（釋伽牟尼傳）東方之大宗教
家亦大哲學家也故到處有佛寺後人信

聖帝殿

在鍾管村東供玄武真君像明時倭寇經此相傳神忽顯靈令盡遭覆歿因
名其處曰倭斷溼後因殿宇失修遂移像於潮音庵現遺有却寇庇民匾額

水北祠

在大河壩相傳為宋福王二女長為水南土地次為水北土地極靈應墓在皇姑山
又有水西廟在庫橋西水東廟在庫橋東皆女主稱曰建興之神按福王唐樓襲封

文明塔

在下蘭山之陽每層塔磚有魁星像其塔尖聞清道光
初被大風吹去塔下有關聖祠今廢

鎮北塔

在高塔以補缺陷遂糾工建造至二十五年告竣後於其下建何公塔院咸豐十年
建高塔以補缺陷遂糾工建造至二十五年告竣後於其下建何公塔院咸豐十年

鎮北塔

在高塔以補缺陷遂糾工建造至二十五年告竣後於其下建何公塔院咸豐十年

鎮北塔

在高塔以補缺陷遂糾工建造至二十五年告竣後於其下建何公塔院咸豐十年

鎮北塔

在高塔以補缺陷遂糾工建造至二十五年告竣後於其下建何公塔院咸豐十年

塔院燬同治五年僧良明重建光緒十九年里人於院側募建呂純陽殿設餐雲壇蒔花鑿池更覺幽勝

教堂

天主堂

一在城內縣西街一在下舍市一在新市鎮十景塘一在洛舍鎮一在戈亭一在鬪村一在鍾管

耶穌恩典會

一在下舍市一在雷甸市一在白雲鄉一在徐家莊

耶穌長老會

一在城內戚家弄一在新市鎮東柵一在韶村一在洛舍鎮一在戈亭一在鬪村一在鍾管一在白彪一在士林村按天主為舊教耶穌為新教二教規模不同其崇尚一神則同也天主者謂創造天地人物之主（見創世紀）耶穌者云上帝之子也始於唐盛於清道光季年通商後各國訂有約章許民自由入教國家保護之

坊表

奉國坊

在德清北門外慈相寺前今圯

文明坊

在新市風橋東明洪武三年為舉人王軫立今廢

臺諫坊

在新市巡檢署東為明刑科給事中陳霆立嘉靖時毀於倭寇

尚書梓里坊

在明東街嘉靖十三年知縣陶廉為工部尚書蔣瑤立久廢瑤後遷菱湖（仙潭志餘）

喬木聯芳坊

在梓里坊東蔣瑤為外族李崑立

德清縣新志

卷三
建置

二十六

按蔣瑤新市人明史作歸安弘治己未進士正德中出守揚州會武宗南巡供費不貲中貴人誅求無厭瑤以法自持致身庇民屢犯上怒竟以忠誠見知累官工部尚書朝野倚重卒年八十有九贈太子少保諡恭靖仙潭志餘

力追陶孟坊

在新市東嶽行宮前清乾隆三十年為胡承裕妻楊氏立

節孝坊

一為節婦姚氏一為節婦張氏立均在鍾管村鐵家墩

節凜冰霜坊

在慈相路西清乾隆十三年為沈凌奎妻張氏立

彤管流徽坊

在小南門外東聖塘清嘉慶二十八年為華玉妻陳氏立

瑤池冰雪坊

在白米塘清道光五年為嚴州府學訓導蔡黼廷妻徐氏立

附行宮陳蹟

粵稽古聖王巡狩止宿凡車帷壇壝皆名之曰宮行者以警蹕之所在也
被以斯名列諸卷末殊令人念秦皇漢武遊幸之奢而今都成陳跡宮花
寥寂徒供憑弔所謂秦人不暇自哀而後人哀之焉

在運河南岸唐樓境內向由
德清辦理大差圖說見周志

南照牆 前宮門 四圍磚牆 垂華門 東宮門 東寶座 西宮門 西
 寶座 花園 六角亭 馬頭亭 石岸六十丈
 又阿哥所 宮門 正廳五間 左右遊廊 軍機處公館一所 扈從大臣
 公館二所

卷三勘誤表

頁	面	行	字	原	文	更	正	備	註
四	前	五	十	畫		昌			卷二勘誤表內第三頁後面首行十八二字改十七原文又字改毫更正又字改毫
四	前	六	廿	文		辦			
十	後	三	四	辨		泉			
十	後	五	十	泉		土			
十九	後	十七	四	候		侯			

德清縣新志卷三終

